



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Catechismvs, Dat is, De Christelijcke leeringhe/ in
maniere van t'samen-sprekinghe tusschen den Meester
ende den Discipel**

Coster, Franciscus

T'Antvverpen, 1607

Vande ghemeenschap der Heylighen.

urn:nbn:de:hbz:466:1-39385

cramenten / sacrificien / ghebeden / ende andere goede wercken / die inde selue Kercke gheschieden.

M. Hebben wy oock ghemeyschap met de Heylighen die inden hemel zijn, ende met de sielen, die int vaghevier veur haere sonden vol-doen?

D. Jae wy: want de Heylighen des hemels bidden veur ons / ende oock veur de sielen die in't vaghevier lijden: ende onse ghebeden / Missen / ende andere goede wercken zijn oock seer profijtelyck de selue sielen / om heur te verlossen oft te helpen.

M. Zijn wy oock deelachtigh der verdiensten der Heylighen, die nu met Christo inden hemel regneren?

D. Jae wy / by-sonder van haer lijden ende pynen die sy bouen haere sonden hebben verdragen.

M. Hoe vercrijghen wy die?

D. Deur den Af-laet / die ons de stadt-houder Christi mede-deylt.

M. Hoe gheschiedt dit?

D. Int Sacrament der biechten worden ons alle sonden al-soo vergeuen / dat wy versoent worden met Gode / weder-om ghemaecht zijnde kinderen Gods / ende verlost vande pijn der hellen: mazer nochtans bliuen wy ghehouden eenige tijdelijcke pijn te lijden tot eenighe voldoeninghe onser sonden. Als nu den Af-laet comt / die neemt ons dese obligatie af / ende inde plaetse dat wy liiden sonden / werdt Gode ghepresenteert ende van hem ontfanghen het lijden ende de pijn der Heylighen vereenicht met het lijden Christi.

M. Vvat vruchten neemt ghy uyt dit hoofdstuck?

D. Drij: de eerste / gheen dingh op deser werelddt
meer